



Bel lingaz



Idiom: Ladin dla Val Badia
Meludia: Robert Cantieni
Paroles: Lejio Baldissera

Bel lingaz dla uma cara,
tan bun sona nosc ladin!
Ci ligrëza sënti 'mpara,
sciöch' i l ami zënza fin!
To bun sonn canch'i ê te cöna
mia uma m'insignâ,
m'à fat gní la buna löna
cun so bel cianté ladin.

Tö m'mostrâs cun gran ligrëza
mia patria da amé,
sü eroi y süa belëza
da conësce y da cianté.
Espresciun dl cör che ama,
guida alalt dl sentimënt,
t'as nudrí la santa flama
che m'á fat insciö contënt.

Sciöche ciantia bela y fina
de n calander ligherzin
sona vigni usc ladina,
pröm salüt de mi destin.
Chërda mile recordanzas,
adalerch dl tēmp passé.
Tēgn tres vies les speranzas

che mi cör á ralegré.